

ORDINAL AN OVERENN**Agnus Dei**

Oan Doue, a zilam pehed ar béd,
 ho pet truez ouzom. (pe : roit diskuiz d'an anaon).
 Oan Doue, a zilam pehed ar béd,
 ho pet truez ouzom. (pe : roit diskuiz d'an anaon).
 Oan Doue, a zilam pehed ar béd,
 roit deom ho peoh.
 (pe : roit diskuiz d'an anaon da virviken).

Da gomunia

Setu Oan Doue, an hini a zilam pehed ar béd.
 - Va Doue, n'on ket din e teufeh beteg ennon,
 med lavarit eur gér hebkén, hag e vin pareet.
 Korv Or Zalver. - Amen.

Da gloza an Overenn

It e peoh Or Zalver.
pe awechou ;
 Meuleudi d'Or Zalver.
 - Bennoz da Zoue.
En overennou evid an Anaon ;
 Peoh ha diskuiz d'an Anaon.
 - Amen.
 Doue oll-halloudeg d'ho penniga, an Tad, ar Mab
 hag ar Spered Santel.
 - Amen.




Imprimatur, 5 Aprilis 1965

† V. Favé

Eskob skeazeller Kemper

Feb gwir miret striz

Ti-Moulerrez Bro-Gerne, Kemper

**Kyrie**

Aotrou Doue, ho pet truez. (3 gwech).
 Aotrou Krist, ho pet truez. (3 gwech).
 Aotrou Doue, ho pet truez. (3 gwech).

Gloria

Gloar da Zoue e barr an nenvou,
 Ha peoh war an douar d'an dud a blij dezan.
 Bezit meulet. Bezit trugarekeet. Bezit adoret.
 Bezit enoret. Bezit benniget evid ho kloar dispar.
 Aotrou Doue, Roue an nenv, Doue an Tad oll-
 halloudeg.
 Aotrou, Mab unganet, Salver Jezuz.
 Aotrou ha Doue, Oan Doue, Mab an Tad.
 C'hwil hag a zilam pehed ar béd, ho pet truez ouzom.
 C'hwil hag a zilam pehed ar béd, degemerit galv or
 pedenn.
 C'hwil azezet en tu dehou d'an Tad, ho pet truez ouzom.
 Rag c'hwil hebkén a zo santel.
 C'hwil hebkén eo an Aotrou.
 C'hwil hebkén eo an Uhel-meurbéd, Salver Jezuz,
 Gand ar Spered Santel e gloar Doue an Tad. Amen.

Evid an Aviel, an avieler pe ar beleg overenner ;

An Aotrou Doue ganeoh.

- Ha gand ho spered.

Pennad euz an Aviel santel hervez sant...

- Gloar deoh-hwi, Aotrou Krist.

Credo

Me 'gred en eun Doue hebkén.
An Tad oll-halloudeg, krouer an nenv hag an douar,
kement a weler ha kement na weler ket.
Hag en eun Aotrou hebkén, Jezuz Krist, Mab unganet
da Zoue.
Euz an Tad eo ganet, araog an oll gantvejou.
Doue euz Doue, sklerijenn euz sklerijenn, Doue
gwirion euz Doue gwirion.
Ganet, ha n'eo ket grêt, kennatur gand an Tad,
ha drezan eo bet grêt peb tra.
Evidom-ni an dud hag evid or zilvidigez, eo bet dis-
kennet euz an nenv.
Ha kory e-neus kemeret, dre nerz ar Spered Santel,
euz ar Werhez Vari, ha dén eo deuet da veza.
Evidom ivez staget ouz ar groaz, e-neus gouzanvet
dindan Pons Pilat, hag er béz eo bet laket.
D'an trede deiz eo savet a varo da veo, hervez ar
Skritur Zakr.
Pignet d'an nenv, eman azezet en tu dehou d'an Tad.
Hag adarre e teuo gand gloar da varn ar re veo
hag ar re varo, ha ne vo fin ebéd d'e rouantelez.
Me 'gred er Spered Santel, a zo Doue hag a ro buez,
a zeu euz an Tad hag euz ar Mab.
Par d'an Tad ha d'ar Mab eo adoret hag enoret,
ha komzet e-neus dre ar Brofeted.
Me 'gred en Iliz, a zo unan, santel, katolik hag
abostoleg.
Anzav a ran ez eus eur vadeziant hebkén, evid pardon
ar pehejou.
Ha gortoz a ran adsav ar re varo da veo,
Ha buez ar béd da zond. Amen.

Prefas

An Aotrou Doue ganeoh.
- Ha gand ho spered.
Ho kalon d'an uhel.
- Troet eo warzu Doue.
Lavarom bennoz da Zoue on Aotrou.
- Just ha santel eo.

Sanctus

Santel, santel, santel,
an Aotrou Doue, Mestr ar béd.
Leun eo gand ho kloar an nenv hag an douar.
Hozanna e barr an nenvou.
Benniget an hini a zeu en ano Doue.
Hozanna e barr an nenvou.

Pater

Pedom. Kenteliet gand gourhemenn Or Zalver, ha
desket ma 'z om bet gantan da bedi, e kredom
lavared :
On Tad hag a zo en nenv,
hoh ano bezet santellêt,
ho rouantelez deuet deom,
ho polontez bezet grêt war an douar evel en nenv.
Roit deom hirio or bara pemdezieg,
pardonit deom on ofansou,
evel ma pardonon d'ar re o deus on ofanset,
ha n'on lezit ket da goueza en tentation,
med on dilivrit diouz an droug.